




سوندر
کریم مشروطی

آمان داغلار



آمان داغلار

کریم مشروطه چى
«سۇنمز»

تبریز

۱۳۷۶

بسم اللہ الرحمن الرحیم

انتشارات ارک

فروشگاه مرکزی - تبریز: خیابان امام خمینی ، تلفن: ۵۴۲۶۹

فروشگاه شماره ۱ - تبریز: خیابان آیت ا... طالقانی ، تلفن: ۵۰۶۹۷

آمان داغلار!

سونن «کریم مشروطه چی»

چاپ: اول ۱۳۷۶

حروفچین: ابراهیم مشروطه چی

تیراژ: ۱۵۰۰ جلد

لیتوگرافی: رنگین

چاپ: اندیشه

حق چاپ محفوظ

شاعر دئديگين

شاعر دئديگين، آخmasا آل قان اوّره گيندن
بيز گول دره بيلمز، او، گولوستان اوّره گيندن
قان اوّلmasa گؤنلو گئجه لر قانلى شفق تك
البته، آچيلماز سحرى دان اوّره گيندن
توفاندا پناهسيز لار اوچون يئلكن آچامماز
هردم كى، اوّنون قوپماسا توفان اوّره گيندن
بيز ذره چرا غدير كى، يانار هر گئجه - گوندوز
سۇرسان كى تؤکر ياغ اوّنا هاردان؟ اوّره گيندن!
مiliyon گوله قونمازسا چاليشقان آرى لار تك
شهدين داديز اممماز بىزه، شان - شان اوّره گيندن

یانسا جيگرى ، نازينى چكمز ده طيبىين
اڭيلر جيگرين دردine درمان ، اوّره گىندن

قالميشسا اۇنون خاطرى جمعىيّتە حسرت
جمعىيّتە وۇرغۇندو پريشان اوّره گىندن

او ، هرنە يە سۆز وئرسە امین اوّل كى سۆزۈنده
ثابيت قالاجاق باغلاسا پىمان اوّره گىندن

درىيا دۇزمۇيلە ، او ، چتىن بىر دە بارىشىسىن
ايىنجە اوّره گى اينجىسە جانان اوّره گىندن

بىر دۇى قاپىسىن ، اۇنداكى علوىتى سئير ائت
گۇرسە الى بۇشدور ، ائدر احسان اوّره گىندن

«سۇنمز»! بىلە بىر شاعرى گۇرسىنسە ، رجا ائت
بىر داملا سىنە بخش ائدە عىمان اوّره گىندن

انسانى دا بىر سئو ! - اگر آللەھى سئويرىسن
آللەھ يۈلۈ ، واللەھ ! گىچىر انسان اوّره گىندن

قىزىم فرزانە يە ...

وداع

آيرىلدىق ، سن اۇولاد ، من آتا كىمى ،
سوسىدوم ، هېچ دىنەمەدىم من سۈزلى - سۈزلى .
نه ياخشى آغلا دىن سن آشكار - آشكار ،
نه يامان قۇورولىدوم من گىزلى - گىزلى .

گل باسىم باغرىما سنى جان كىمى ،
سىلىم گۈزىياشىنى ، اوز آنان كىمى ،
دارىخما ! - سن منى چاغىران كىمى -
قاپينا قۇنموشام من تۈزلى - تۈزلى .

كىمىن سئوگىسى وار ، ُللوى ، منىمچە ؟
متانت كىمەدە وار ، سئىلە سىنىنچە ؟
سنە نغمە قۇشىدوم من اينچە - اينچە ،
سالارسان سازينا ، سن دۈزلى - دۈزلى .

بیر سۇرغۇم وار ...

«واڭنەر» بير گۈن دئميشدىرىكى :
سۇز بير زمان عاجىز لەسە ، يۇخسۇللاسا
ساز دىللەنر .
دېل سوساندا ، ساز دانىشار .
چۈخ بىلرکن آز دانىشار
لاكىن ،

سۇزون عاجىزلىكىن ، يۇخسۇللوغۇن
تاماڭلا يار .

بیر سۇرغۇم وار :
اگر سۇزون ياردىمچىسى ساز دا سوسىسا ،
يا دا قىصدأ سوسىدورولسا ،
بىر سۇيىلە يىن :
انسان اوْغلو ،
ايچىنده کى هاراى چىن دويغۇلارى
نه دېل ايلن دئمەلى دىر ؟

۱۳- ياشلى گنج شهيد محمدحسين
فهمىدەنин خاطره سىنه ...

۱۳۶۱

ذرّه

يازدىلار : ذرّه دۆنیالار ياتير
ذرّهنى سىئىدىرسان ، وۇلقانلار قۇپار.
بو سۇزو افسانە ساناراق دئدىم :
ظرفايىلە مظروفون بىر نسبتى وار.

مطلبى اوْخودوم ، من ، دۇنە - دۇنە
معناسى نەايىسە ، قانايىلمەدىم .
نە قىدر آرادىم ، دوشۇندوم بىلە
فۇرمولى ، حقيقىت سانايىلمەدىم .

آخى ، شاعر نەدير ، كيمىا نەدير ؟
شاعره حىاتدان ، انساندان دانىش !
قورو فۇرموللارى شاعر نىئيلە سىن ؟
اونا ، گۈنلۈنده كى توفاندان دانىش !

اۇ ، سئۆمز درىانىن آرام حالىنى
اۇ ، آختاردىغىنى توفاندان تاپار .
اولو طبىعتىن قانۇنلارىنى
انساندا آختار ، انساندا تاپار .

اۇ ، سئەر ئىنىشلى - يۇخوشلو يۇلۇ
قاپىلماز حىاتىن عادىسىنە ، اۇ .
اۇ ، خىال شىمعىنىن پروانەسى دىر
وۇرغوندور دۈيغولار وادىسىنە ، اۇ .

شاعرى قىنامام ، انصافىن وارسا
اۇنون دا ، اوْزويچون بىر دۆنیاسى وار .
«مۇلۇي» دئمىشكن ، شاعر كيمايىسە
عقلين مىن حكمونه بىر احساسى وار .

شاعره وورمادان ، بىئىمەدن دئىمە
اۇنا الهام وئرن اوّرەك سىسى دىر .
شاعره آتومدان دانىشسان ، دئىھەر :
انسان طبىعتىن خلاصەسى دىر !

خىالىم دۇغىرولدو گرچك دۆنیادا
دومانلى اوْفوقدە بىر اولدوز آخىدى .
بىر خبر يايىلدى بۇتون اولكەمە
احساسلى هركىيمىسە ، ياندىردى ، ياخىدى .

یازدیلار : جبهه‌ده ، خرمشهرده
«صدام»ین اوخilarی دهیبیدیر داشا.
بیر صغير قهرمان ، نارنجکایله
بیر تانکی پارتلاديب اوزوile قوشـا.

گئورکن جبهه‌ده ، باسقينچى لارلا
اوـز - اوـزه دئـيوـشور عـسـگـرـلـيـمـيز ،
«كـرجـ» دـنـ اوـزـ توـتـوبـ جـبـهـ يـهـ سـارـىـ
هـايـ وـئـيرـ: قـورـخـماـيـينـ ، اـولـمـهـ مـيـشـيكـ بـيـزـ !

او ، اوـنـ اوـچـ يـاشـىـ لـنـ ، اوـفـاقـ قـلـيـنـدـهـ
عـمـانـ سـاحـيلـيـنـهـ عـمـانـ گـتـيرـدـىـ .
گـئـورـكـنـ سـاحـيلـىـ ، سـسـ سـيـزـ - سـمـيرـ سـيـزـ ،
اوـزوـيـلـهـ بـيرـ جـوـشـغـونـ توـفـانـ گـتـيرـدـىـ .

وطـنـ قـايـغـىـ سـيـنـداـ ، اـشـلـ قـايـغـىـ سـيـنـداـ
سـارـسـيلـماـزـ اـيـنـاـمـلاـ جـوـشـوبـ ، دـاشـدـىـ اوـ .
خـلـقـيـمـيزـ شـرـفـلـهـ يـاشـامـاقـ اوـچـونـ
شـرـفـلـىـ اـئـلـومـلـهـ قـوـجـاـقـلاـشـدـىـ اوـ .

طـبـيـعـىـ قـانـونـلـارـ دـهـ يـدـىـ بـيرـ - بـيرـهـ
معـناـسـيـنـ دـهـ يـيـشـدـىـ سـايـىـ دـاـ ، يـاشـ دـاـ .
قـلـيـنـدـهـ آـلـيـشـدـىـ الـهـامـ شـؤـعلـهـسـىـ
ايـنـاـماـ چـئـورـيـلـدـىـ بـدنـ دـهـ ، باـشـ دـاـ .

انقلاب نسلينه پيغام اوّلاراق
داغ آسفالت اوّستونده، قان چيچكلىنى .
بالاجا كؤكسونون دار قفسىنده
جهانا سىغمىيان جان چيچكلىنى .

ايزلەيىب مقدس شهادت يۇلون
الچاتماز زىروھلر آشدى، گىشتى او .
جان قۇيدو سرحدلى تۈرپاقلار اوستە
سرحدسىز گۈئىلە اوچدو، گىشتى او .

دۇنياجا حىرتىن وئردى عشقىنە
دئى : من، نىئيليرم اونسوز حىرتى !
آپاردى اوزوپلە بىر ارمغان تى
سۇنسوز اوّفو قولە، سۇنسوز حىرتى .

دۇغىرولدو افسانە ساندىغىم سۆزلى
قالمادىم بىر داها شىبهەدە، شى دە .
گۈرددوم : بىر ملتىن حىلى فريادى
سېيغيشايلىرىميش بىر قوش اوّرە كىدە !

اوستاد شهريارين غزلى نين ايزى ايله ...

گليم

وئرمەدين اذن دالىنجا سۆرونوب ، سايىھە گليم
اولماسا قۇى بارى اول سايىھە همسايىھە گليم
سن بۇى آتدىقجا منىم ده جۆجه رير قول - قانادىم
بودور آرزومنىم كى ، اوچوب سىنلە ئىتىايدە گليم
حۆسونون يوسفى بازارە چىخان گۈن ، سىنىلە
نەدجان الده توتوب ، من ده او سئودايە گليم
من اولندا او مسيحە نەفسىن سىنه مە سال
قسمت اولسا ، دىرىيلىپ بىر دە بو دۆنیايدە گليم

بىر ده مجنون كىمى ديوانه ساياق، باش گؤتوروب
لىلى-لىلى چاغيريم، سوريله صحرايە گليم
هلهلىك گشت كى، تؤيون دور، سنى خوشبخت اولاسان!
تؤيونا گلمەيە حاشا كى، تمنايە گليم
اذن وئر جىتقوز اوشاقلار كىمى، دامدان، باجادان
بۇيانىب، گىزلىجە، اوغرۇنجا تماشايە گليم
سن اولارسان بىر آنا، من اورە گىم قانە دۇنر
اوندا، حاشا كى، قرارىم گىئىدە، غۇغايە گليم
عشقسىز، عاطفەسىز سىنه وە سۆد گلمەسە دە
گىئىدە من اولىمە مىشىم، سۋىيلە سەنە دايە گليم
شهرىارا، غزلىن روحومو جۇشدوردو منىم
قدرتىم يۇخ سېنيلە شعردە هەمپايە گليم
سۈنمىز، من اوزومو سىنلە قىاس ائتسىم اگر
سانكى بىر قطرە اليىمدا لېرىدىيە گليم

نگران

بو گئجه ، نه دنسه ، اضطرابلى يام
اوره ک ده نگران ، گئز ده نگران

بۇغا زادان ائنمە بىر يىشى يېرىم خوره ک
چۈرە ک ده نگران ، دوز دا نگران

اوستوندن بىر قورتوم آيران اىچىرم
آيران دا نگران ، بوز دا نگران

نگران ، تك بىر من ، بىر عيال دئىيل
اوغلان دا نگران ، قىز دا نگران

بىر سطير يازماغا اوره ک قىزىرسا
قلم ده نگران ، سئز ده نگران

وحشته گئرمورم تك يايى ، قىشى
پاييز دا نگران ، ياز دا نگران

بو زمان ، نگران ، بير - ايکى دئييل
اللى ده نگران ، يۆز ده نگران

دينله مک ايستيرسن بير عاشيق سسى
نغمه ده نگران ، ساز دا نگران

حسرتلە قويلا دييم كتابلاريمى
تۈرپاق دا نگران ، تۈز دا نگران

يانديرديم ايستكلى نغمەلريمى
آلۇو دا نگران ، كۈز ده نگران .

سئوگى نشرييەمى هاردا گيزلەديم ؟
چارپاي دا نگران ، ميز ده نگران .

دئيرم ياواشجا قىسىدىرىيم سىزه
گۈرورم من كىمى ، سىز ده نگران .

بىر آنلىق باسیرام جۇرابلارىما
تۇپوق دا نگران ، دىز ده نگران .

گيزلەديم پالتومون آستارىندامى ؟
آستار دا نگران ، اوْز ده نگران .

ایستهسم سیغینام همسایالارا
قوئشولار دئیهrlر : بیز ده نگران .

هارادا گیزلنسن ، هارایا قاچسان
آردینجا اوزانان ایز ده نگران .

یانیلما دۆز دئسن قورتولاجاقسان
یالان دا نگران ، دۆز ده نگران .

گئنیشلیک نگران ، دارلیق نگران
دئمەلی بوسپوتون وارلیق نگران .

اوستاد شهريارين بير خصوصى مكتوبونون
جوابيندا اوچ ايل گنجيكندن سۇنرا ، بير
اوئانجاق و قاپى دالداسينا دوشموش آدام
كىمى ، بو شعرى اوّزومە توتوب ، اوپتاددان
عذر ديلەميشم .

گل دئمه ...

گل دئمه : اوچ ايلدىر ، مكتوبون چاتىپ
سنه بير كاغىذيم ، يازىم اوْلمادى !
اي سازى سىزلايان بئويك شهريار !
سازينا لايق بىر سۈزۈم اوْلمادى .

او حزين سازىنин آلدىم سىنىنى
دينلەدىم او سىدە حق نفسىنى
آجدىن بو سىنه مىن دار قفسىنى
حئيف كى ، گئوروشون رۇزۇم اوْلمادى .

سۇزلىرىن ، حق سىزىن منه آندىردى
قلېبىمى ، گۆن كىيمى ايشىقلاندىردى
بىر يامان درد منى ياخدى ، ياندىردى
گۆنشى گۈرمەگە گۈزۈم اۇلمادى .

اى ، قالان وقارلى شئر كىيمىن داردا
ظلمه قارشى دوران كۆلکده ، قاردا
خىالىن گىزدىگى كەڭشانلاردا -
ايستەدىم ، اولدوز تك ، سۆزۈم ، اۇلمادى .

او درىن سۇزلىرىن منه جان وئرير
بو يۇرغۇن قلىبىمە هيچان وئرير
گىيزلى دردلىرىمى ، بىر-بىر سان وئرير
دردىمە ، كىيمىسىدە دۈزۈم اۇلمادى .

خلىقىمىن گۈركىملى قۇچاغىسان سن
محبّت اھلىنىن قوجاغىسان سن
ايىنجە شعرىتىن اوْجاغاغىسان سن
حئىف چۈخ حصىسى بىزىم اۇلمادى .

آلنىمىن يازىسىن بختىم پۇزالى
قدرتلى قىلمون يۇلون آزالى
ال آتىب ، منه بىر مكتوب يازالى
دۆنىادا بىر كىسىن آزىم اۇلمادى .

اۆچ اىلده يازماديم جوابين سينين
گلميشديم تبريزه ، اوپيم اللرين
آللاما آشكاردير ، سندن نه گيزلين
قاپينى دئىمە يه اۆزوم اولمادى .

بۇتون عشق اھلىنىن دۇداغىن اوپىدوم
وطىنин آل - ياشىل يارياغىن اوپىدوم
دۇشندىم قابىنىن تۈرپااغىن اوپىدوم
آياغا دورماغا دىزىم اولمادى .

گۈئنلۈمون يازىندا چىچەگىم سينىن
اومىدىم ، امه گىم ، دىلە گىم سينىن
قوربانلىق گۈزلە سن ، اوەرە گىم سينىن
اوەركىن گۈزل بىر قۇزوم اولمادى .

تىيليم!

منه اۆركىڭ مارال رام اۇلمادى ، قۇرى اۇلماسىن تىيليم !
غۇرۇون ، بېرجه ترکىن قىلمادى ، قۇرى قىلماسىن ، تىيليم !

الف قدّىم ، غىمىندىن دالدى ، باخ كى ، عشقىمە خاطر
او ، بېر لحظە خيالە دالمادى ، قۇرى دالماسىن ، تىيليم !

اۇنون يادى لە عۇمرۇم گىچىدى ، قىلى سانكى بېر سالدى
منى ، عۇمرۇندا ، يادە سالماڏى ، قۇرى سالماسىن تىيليم !

حالىم اۇلسَا ، دئىدى گللهم ! دئىدىم بۇ ، حال دئىيل ، قال دى
او ، اۋز عەھدىنلە ئايىت قالمادى ، قۇرى قالماسىن ، تىيليم !

دئىدىم : چال قلىيمىن جامىن داشا ، قورتار بۇ مەختىدىن
سۇزۇمو چالدى داشە ، چالمادى ، قۇرى چالماسىن ، تىيليم !

دئىدى : «سۈنمز» ! قادان آلام ! دئىدىم : بۇ حىلەدى ، آل دى
قادام قالسىن ، سلامىم آلمادى ، قۇرى آلماسىن ، تىيليم !

قالسين

دنيز گۆزەل ، هاوا خۇش ، ساحيليندە جلوهلى ياز
گۈنول سئوركى ، بو حالدا گۆزەل دنيز قالسين
عاغيلدان ايز قالار ، آمما گۆزەلدن ايز قالماز
اونا «گۆزەل» دئيىرم كى ، گۆزەلدن ايز قالسين
منه او ، نازينى دا، دامجى - دامجى ائتسە نياز
سئوركى ، مهرى گۈنولده دنيز - دنيز قالسين
ريالىلن دئديم : اى گۆل ، قىئىيم دالىندا نماز
دئدى : محببىمىز قۇى ھله تمىز قالسين
نياز اومارسا نىڭارىن ، گۈنول ، گل ائيلەمه ناز
كى خاطرىنده سنين خاطيرەن عزيز قالسين
دۆزوم او سينەو گۆزىاشىمى ، اوْلورسا مُجاز
دۇشوندە هديه كىمى قۇى بو سينەرېز قالسين
ترانه آرزىلارام من ، حىيف كى ، سوسموش ساز
گۈرۈم كى ، زاهدى من تك ترانهسىز قالسين!

١٣٧٤/١٣٦٤

قدیم دُوستوم اوستاد عبدالله واعظین
بوغازی نین جزا حلیق عملیتند سوئنرا ،
اونونلا ، تلفون واسطه سیله دانیشارکن.

۱۳۶۲

اوغول دئمهلى !

سسىمه سس وئردى تو تكون سسىلىن
سس كى يۇخ ! نفلسلە منلن دانىشدى .
نىچە دۇيىما يايديم اوْ نفسى ، من ؟
اوْ نفس ، قىرخ ايلدىر منه تانىشدى .

يارادان ، هر زادى الوان ياراتدى
هامى آرزيلارى ، هوه سلرى ده .
باھارلا باشلانىب ، قىشلا قورتاران -
ايللە اوْ خشاتدى نفلسلرى ده .

نفس وار « ميشۇو » ون بوزلاغى كىمى ^۱
كدرلىنديره ممز سۇيوق آينانى .
نفس وار ، گۆنشىن اوْ جاغى كىمى
نور ساچىب ، قىزدىرار بۇتون دۆنيانى .

(۱) ميشۇو : تبرىزىن شمال غرب طرفىنده يېرلەشن قارلى - بۇرانلى داغ .

حیاتین یۆللاری دۇلانباج ديسا
محبّت کاروانى هر يۈلدان گىچىر.
نفس وار، ترپتمز گۆل يارپاگىنى
نفس وار، يۆز آجاج مفتولدان گىچىر.

تلفوندان دويولان ھەنیرتىنى ، من
سانديم كى ، عطىرلى ياز نفسى دير .
اوجا داغلار آشىب ، منى دىندىرەن
اوزاق بىر سېۋوگى نين ياخىن سىسى دير .

سۇزۇنۇ قورتاردى ، ائلهييلدىم كى
تلفونو اليىندن آلدى اوزگە سى .
آخىدى قولاغىما ، بىر نغە كىيمى
ايستكلى بالاسى « طاها » نين سىسى

او ، دئمك ايستەدى تانىشا ، يادا :
بو سىن ، بىر آن بىلە كسىلمە مەللى !
بىرىنجى مصراعدا ، آتا سوسسَا دا
ايکىنجى مصراعى اوغۇل دئمەللى !

قارداشىم بالاسى ، سىنى مىن ياشا !
سن كىيمى اوغولا قورىان ! - دئىيە رلر .
اسلانىن بالاسى ، كۇرپە اولسا دا
گىتنە دە ، آدىنا اسلان دئىيە رلر .

بىز سفر اوستە يىك ، من ده ، بابا دا
ساچلارا النىپ قۇجالىق قارى .
بابانىن چraigىن ياندىران چۈخدور
چالىش ، اوْ چraigى ، سن ياندىر ، بارى !

فيكىرلر ، دويغولار آيرى اولسا دا
بىر اوستاديمىز وار ، «تارىخ» دىر آدى .
بابالار يۇلونا خۇر باخان كىمسە
عئۇرونونو بەرە سىز ، اىزسىز ياشادى !

محبّت دیل آچیب دانیشیر منه

صمیمی باخیشام انسان گؤزوندە
منى ، بىر باخیشدا سئچەنە مىت !
بولاغام ، آخارام بو يىئر اوزوندە
آيیلیب ، سویومدان ایچەنە مىت !

محبّت دئییلن ارمغانام من
أتادان ، آنادان مهریانام من
لکە سىز ، بۇیاسىز آسمانام من
مندە ، قاناد آچیب ، اوچانا مىت !

عشقايلن اكىزم بولبولدە ، گۆلدە
ھميشه بىر رنگم اوّره كده ، دىلده
بەرەلى حاصىلام سارى سۆنبولدە
منى بىر « ساغاولا » بىچەنە مىت !

نه لام، نه كورام، نه غايتسىزىم
منلىگى اولانا، مىنەت سىزىم
هر نەيم، آنجاق كى، نهايت سىزىم
منى بو معىارلا اولچەنە مىت!

نەدنسە ياراندىم بو خلقىتىدە من
اۆزۈم دە حئيرانام حقيقىتىدە من
خىثيرات سۆفرەسى يەم طېيىتىدە من
منى، ال پىشىرىپ، آچانا مىت!

من نەيم؟ باهاردا عطىرلى نسيم
نە سرحد تانىرام، نە تىكانلى سىم
آزادام هريانا اىستەسم اسىم
منىم كاروانىملا كۈچەنە مىت!

منىم لە اوچالار «طور» لار، «منا» لار^۱
گۆلر پىالمەلر، گۆلر مينالار
منە، كىيم نە وئرسە، بىرە مىن آلار
قلبىنى اۆزۈمە آچانا مىت!

۱) طور: «سينا» يارىم آداسىندا يىشلەشن داغ دىرىكى، حضرت موسى، اورادا آلاھىن نورونو
گۈزدۇ.

۲) منى: مىڭىدە، عرفات يۈلونون اوستۇنده بىر يىش آدى دىرىكى، حاجى لار، قورىان بايرامىندا
اورادا قوريانلىق كىسرلر.

حیاتا يۈل آچدیم گرەکلر اۆچون
مقدس آرزيilar، دىلكلر اۆچون
بىر آزاد كۈرپۈيەم اوّرەكلىر اۆچون
مئت سىز، اوستومدىن گىچەنە مىت!

وارليغىم حىرى اولوب بىتون وارليغا
ايستر گىنىشىلىگە، ايستر دارليغا
من، فقط دۆشىمنم رىاكارلىغا
رىاكار كىمىسىدەن قاچانا مىت!

١٣٦٥

سۇوكى عالمى

نە قىدەر گۈزەلدىر سىۋىگى عالمى
ھەرىمەن عشقى وار، دئى : نەبىي يۇخدور؟
اۆرەگىن واردىسا ، سىن سىۋەجىكسن
عشقى اولمايانانىن اۆرەگى يۇخدور
ھەرىمەن عشقى وار، دئى : نەبىي يۇخدور؟

ان بۇيوك نعمت دىر : سىئومك ، سىۋىلەمك
بۇنو اينجەلدەيم ، من ، اىلمك - اىلمك
سۇوكى يە جايىزدىر ، يالنىز ، اىلىمك
سۇوكى يە سىجىدەننىن كۆتەبىي يۇخدور
ھەرىمەن عشقى وار، دئى : نەبىي يۇخدور؟

نە قىدەر گۈزەلدىر مىحبىت سۇزو
مىحبىت سىئەر ائدر اۆرەگى ، گۈزو
منى سىئومەيەنى ، سىۋىرم دۆزو
اگرچى اليەمەن أەمەگى يۇخدور
ھەرىمەن عشقى وار، دئى نەبىي يۇخدور؟

سئومكله سئویلەمک بؤیوک نعمت دير
كيم سئوهېلىمىرسە، حياتى سرت دير
سئویلەپىلمەمك ان بؤیوک درد دير
بىر ائله درد دير كى، اۇرنەيى يۇخدور
ھر كىمەن عشقى وار، دئى: نەيى يۇخدور؟

۱۳۶۵

مَرْدُ اُوغُول

خِيالِدا، شِيغِيجى تِرلان كِيمى دير
اوْجا زِيرُوهُلرده گَزهَر مَرْد اُوغُول.
ظَالِيمَه: دالْفَالِي عَمّان كِيمى دير
مَظْلومَه: مَهْرِبَان خَزَر مَرْد اُوغُول.

يَارا ما زِ ايشلَره يوْمَار گُؤزونى
ظَالِيمَلَر اُونوندَه چُوكِمىز دِيزينى
خَلْقِ ايلَن اُولانِدا، آرام اوْزونى -
صَمِيمِي گُولو شلَه بَزَهَر مَرْد اُوغُول.

اوْزو، اوْز اِيچى ايَله دَانِيشان زمان
اوْرَهَگى اوْد توتوب، آليشان زمان
زِيرُوهُلر عشقِي ايَله چالِيشان زمان
اوْرَهَگين تؤُيشونه دُوزهَر مَرْد اُوغُول.

یئلين اسيمى ايله دەيىشىز سۇزۇن
اونو تماز بىر كسىن چۈرەگىن، دوزۇن
نە، ياخشى گۆنۈنلە ئىتىرەر اۇزۇن
نە، يامان گۆنۈنلە بىزەر مىد اۇغۇل.

تىتەرمىز حىياتىن سرت كۆلەگىندىن
معاشىن گىچىرەر اۇز امەگىندىن
آنچاق، اۇز بالىندان، اۇز پەتەگىندىن -
حىياتىن شەدىنى سۆزەر مىد اۇغۇل.

سېنر اۆرەكلىر قارتال باخىشى
دۇيوشىدە «هايدى!» سى شىمىشك چاخىشى
ايىدە آل اولماسا چايىن آخىشى
آخىشىن عكسىنە اۆزەر مىد اۇغۇل.

درس آلدیغیم اوستادلار

شاعرلیک درسینى ، من ، عۇمۇرمۇم بۇيۇ
يازىدان دا آلدىم ، دىلەن ده آلدىم
ادبىلە دىز چۈكۈم اوستاد يانىندا
درسىمى سادەجە ئىلەن ده آلدىم
قىلىممى قىيىزدىران بو حرارتى
آلۇودان دا آلدىم ، كۆلەن ده آلدىم
قىلمەن ، كاغىزىدان آلدىقلارىمى
ايلىمكەن ، ايگەنەن ، بىئەن ده آلدىم
تۆكىنمز گۆچومۇ ، دەيرىمان كىيمى
نسىمەن ده آلدىم ، يېئەن ده آلدىم
بىر آرى اولدوم كى ، بالىن شەھىنى
تىكىاندان دا آلدىم ، گۆلەن ده آلدىم

قۆیمادیم تەعىّب قوروتسون مىنى
«موغان» دان دا آلدیم، «میل» دن ده آلدیم
غىيداسىز قالمادىم، باهار عطرينى-
چىمندن ده آلدیم، چۈلدن ده آلدیم
حياتدا گۈردويم جۇشغۇنلوغۇ، من
داملادان دا آلدیم، گۈلدن ده آلدیم
اوچانى، آلچاقلا وحدتە گۈردويم
الهامى بىمدن ده، زىلدن ده آلدیم
باخىمادىم قەرىئە، هاي - ھارايىنا
آتىلىپ «سارا» مى سىئىلەن ده آلدیم

١٣٦٧/١٥/٢٢

عزيز قلم دوستوم «بارىشماز» ين
«اوڈوملو ديرك» آدلى كتابىنى آلاركن.

گلدى وئىدى اۆرەك منه

سۈرسان نەلر باغىشلادى
بو «اوڈوملو ديرك» منه؟
دئىيم : يامان سارسىلىمىشىديم
گلدى، وئىرىدى اۆرەك منه.

قىشىن كىكىن شاختاسىندا
كىرىيمىشىديم طبىعت تك،
سانكى اىلىق باهار عطرى
گتىردى شاپەرك منه.

«چاغرىلما مىش قۇناقلار» لا
«نۇمە داغى» دۇز اوْلسايدى
احسانىنى تماملادى
بو دا اوْلدو چۈرک منه.

بیلیرسمنی نهله دئیبر
سندن «حکمت اومان» عقلیم؟
دۇز - چۈرەگى ایتیرەمك
گەرەك دن دیر گەرەك منه!

اوژرلیک سال، گۆز دەيمە سین
تانرى سنه «بالام!» دئییب.
سنه وئریب باتمان - باتمان
وئرنەدە پىر چەرەك منه.

سین كىمى زنگىن شاعر
اۆرەك سارى حاتىم گەرەك!
او رنگارنگ سۆز سۆفرەن دن
گل باغيشلا خورەك منه!

ائىل عارف دير، ايلك باخىشدا
آيرى - دۆزو درحال سئچر.
من اوزومىدىن بۇي دئسم ده
ھەچ كىم دئمز زىرەك منه.

گل «چىلەنى بىرگە قۇواق!»،
دئولر داها دىرچلمە سین».·
سن اىپكىدىن گېھ تۇخو
قوى يىتىشسىن خەرەك منه.

قىشىن آغىر قار سۇوقاتى
بىل - بوخوندان سالدى بىزى .
نه بىل قالدى قار تۈكىمە يە
نه ساغ قالدى كۆرەك منه .

كۆكىھەك باهار بولودو تى
عۇمور گىچىر يىشىن - يىشىن .
بارى دور، گل بىر دردله شى
چالىنمادان تىرىھەك منه !

گلمە سن دە ، گۇنۇل كۆسمىز
بىل كى ، داها سارسىلمارام ،
اگر گۇنۇل دولابىندا ،
آيىرسان بىر درەك منه !

عائله طالعى

گؤى چمن اىچىنده ، باهار چاغىندا
اۇينايير بىر تازى ، اوچ تولاسى لىن.
تولalar مىئىتلاشىر باش - قولاغىندا
ايت ، بىلەمیر نىئىلەسىن اوچ بالاسى لىن.

چمن ، توڭ باليش تك يومشاق ، مهربان
تولalar گۆلەشىر ، يېتىخىلىر ، دورور .
آنا ، ھم قايىغىلى ، ھم دە نگران
اوره گى سئوينجىك ، گۈزوندە غرور .

اۇنلارا باخديقجا ، اوپىونور آنا
قۇيۇن دا ، قوزويما باخدى ، مەلەدى .
كيمىن حقى واردىر خۇر باخسین اۇنا ؟
او دا ، اوزلوپىوندە بىر عائىلەدى !

بو سۇنسۇز عالىمده بىر ائلهسى وار
بو عادى نعمتىن حىرىتىن چىكىر.
يالقىزلىق دردىنىندن ائله سارسىلار
ايتلەرە باخدىقجا گۈزو ياش تؤكىر.

باخ! بودور، قارشىدا جوموب اۆزونه
اۇرتايىاش، وقارلى بىر اوچا كىشى.
بىر دۆنیا غم تۈزۈ قۇنوب اۆزونه
هم جوان گۈرۈنور، هم قۇجا، كىشى.

او، اۆزو ساغلام بىر انسان اولسا دا
نەدنسە، عائلە قورابىلەمەيىب.
او، بخت اولدوزوندان سۈراغ آلسا دا
بلكە، بخت اولدوزو اونا گۈلەمەيىب.

سۇيىكەنېپ سۇيىودە فىيکىرلى، دالغىن
ان اوzac بىر نىيدا قولاغىندا دادىر.
كىيم بىيلىر، بلكە ده او، يۇرغۇن - آرغىن
بىر ايتگىن آرزىنین سۈراغىندا دادىر.

دۆنن، اوز بختىنە خۇر باخان انسان
بوگۇن، بىر تازى يە غبطة اىلن باخىر.
«كاش سىن دە، بو ايتىجە خۇشېخت اولاسان!»
بو حىرىت، قلىينى ياندىرىر، ياخىر.

عائله طالعی - «هالی اولدوزو» !^۱
عؤمرونده بیر کره گئرونه جکدیر .
باخدین می ، گئوره رسن سعادت اوزو
با خمادین ، حسرتین اتك - اتك دیز .

سن ، باغا گیرنده جوانلیغیندا
گوللر هارای چکیب ، دئیه ر : در منی !
چیچکسیز قالارسان سوون باهاریندا
دؤرد - دؤوره ن او لسا دا چیچک خرممنی !

۱۳۶۵

۱) بو اولدوز ، هر ۷۶ - ایلنه بیر کره گئرونو .

ايچينده

يۆز مین گۈز اولا ، سەن باخاسان يۆزلر ايچينده
شەلا گۈزۈن ، آى قىز ! سىچىلر گۈزلر ايچينده
دۇلموش او خومار گۈزلىرى ، ساندىمكى ، سحردە
شىنمدى ، پارىلدار تزە نىرىگىزلىرى ايچينده
او گۈل اوزە ، تمثيل اوچون ، اولىدوز دئىسم ، آزدىر
اون دئىرد گىشىجەلىك آى دىير اوزۇن ، اوزلىرى ايچينده
پروانەدن اوئىرەن كى ، نىتجە شىمعە قۇۋۇشدو
آزاددى تميز سۋوگى ، دئىمك ، بىزلىرى ايچينده

مین حۆسونه حئىمگلىر اوْ آيرى قاشىنلا
بىر آيرى ، خطادىر گزە مين دۆزلىرى اىچىنده
درىادە اوْزورسۇن ، يۈلۈنو اىزلىيە بىلسەم
آنچاق ، يازىلاركەن پۇزولان اىزلىرى اىچىنده
ال قۇيدۇ حكىم قلىبىمەن اوستە ، ائلەيىلدىم
ارسىندى ، گزىر بۇ آلىشان كۇزلىرى اىچىنده
بىر سۇزدو «محبّت» سۇزو كى ، لوح ازىلە
اۇنچە اوْ يازىلمىش بۇ قىدەر سۇزلىرى اىچىنده
وجدانىنى كىم گۇزلەسە اوْز ياخشى گۆنوندە
وجدان دا ، يامان گۆنوندە اوْنۇ گۇزلىرى اىچىنده
اومىدىلە هرگۈن كى سۆرەر عۇمرۇنۇ «سۇنمز»
بىر عۇمرە برابىرىدۇ اوْ ، گۆندۈزلىرى اىچىنده

چمندە

چمندە هانسى بىر رىحاننېسىلى گۆل دۇلانمىشدى
كى ، هر بىر گوشەسىنده ياسمن عطرى جالانمىشدى
دئمە شىنمدى گۆلشنىدە ، گۆل اوستە پارلايان شىحلىر
او گۆل روخسارينى گۈرمۈش ، گولون آغزى سولانمىشدى
تىلىن روخساردەن چك ، من گنهكارم ، شفيعيم يۇخ
گۈرەر زاھد سنى ، اعلان ائدر : آى پارچالانمىشدى
سحر ، بىر عاشقى زنجيرىلن تعزىز ائدىرىمىشلىر
گىشىجە ، گوينا ! او زۆلفون سايەسىنده دالداڭانمىشدى

شباين چشمەسیندن هر نه اىچديم ، سينمهدى جانه
آمانسيزجا او ، دايىم هئى دورولموش ، هئى بولانميشدى
اوغا داغلار چىخىپ ، آشماقدا آرزىم قالماميش گۈزدە
يۇلوندا ، عۇمرۇمۇن بىس كى غم اوستە غم قالانميشدى
نصىبىم اولمادى جام اىچرە يارىن عكسينى گۈرمك
اليىدە ، رعشەدن ، مئى جامى بىس كى ياخالانمىشدى
حياتىن جئورى سنگى صبرىمى الماسە دۇندردى
او ، بىس كى ساللار آلتىندا دىمادم تاپدالانمىشدى
گەرك بو خام طبعون خامە وئرسىن ائللەرە ، «سۇنمز»!
زمانىن نىھەرىسىنده ، بىس كى روحون چالخالانمىشدى

ایلک یارپاق

ایلک یارپاق بو تاقدان قوپموشدو سحر
یئللهنه - یئللهنه یئره دوشوردو .
بۇتون باغ - باغچانى تو تموشدو قەھر
هامى تىتەرىپەرىدى ، هامى اوشوردۇ .

قرنفىل باش آچىب ، يۈلۈردو ساچىن
سینەسىن دىدىرىدى آناسى تۇرپاق .
شىوهنه گلمىشدى گؤيەرچىن ، لاچىن
سس - سسە و ئىرىدى مىليونلار يارپاق .

گۇى ، قارا بولوددان ياس دۇنۇ گىثىب
گۈزىاشى تۈكۈردو هاي - هاراينان .
ھر يىتنى كىدەرلى بىر نوحە دئىيب
ھامى سىزلاپەرىدى آه - واينان .

او چىلى سحردىن دۆز بېر آى گىچىر
يۈلۈمۇ ، او باغدان سالماشام گىئنە .
بو آى دا ، او تو شن آيا تاي گىچىر
بولود تك تو تولوب ، دۇلموشام گىئنە .

بو دفعه گئجه دير ، دورموشام تينده
گئيده ، نه اولدوز وار ، نه ايشيلتى وار .
آنjac ، بير كده رلى سكوت ايچينده
آراسى كسilmز بير خيشيلتى وار .

گؤزوم گئرمە سە دە ، قولاغيم سەچير
هر آندا ، مين يارپاق بوتاقدان قۇپور .
تۈرپاقدان دۇغولان ، تۈرپاغا كۈچور
دۇشەنيب ، آناسى تۈرپاغى اوپور .

باغدا دا ، هر بير شى اۆز ايشىنده دير
ھره اۆز ايشىنده ، يىشىشىنده دير .

ايىلكىن خاطيرەمى خاطيرلا ياركىن
جوموب اۆز ايچىمە فيكىرە دالماشام .
حياتىن حكمونو قطعى سا ياركىن
آنjac ، بير سورغۇيا حئيران قالماشام

بلادير احساسلى بير انسان اۇلماق
اوړەگىم بو درددن يامان شىشىب دير .
بوتاقدان قىريلىپ ، سارالىپ ، سۇلماق
بو باغدا نه قدهر عادى لە شىب دير !؟

قوشلار دا سنويولو ...

اوج ايلدير بير گۈزىل «ياكريم» قوشو
بىزىم دام يەلۇندا سەبەتە باغلار.
منتظم يومورتلار هر يايى ، قىيىشى
وقتىنده كۆرت ياتار ، جۆجه چىخاردار.

بو ايل ، او گۈزىل قوش ، كۆرت ياتان زمان
گلمىشدى بىزە بير ايستكلى دۇستوم .
محبت گۈستەريب ، محبت اوман
مقدىس آرزىلى ، دىشكلى دۇستوم .

قۇناغىيم ، بير ايلقى ياز گۈن اوْرتاسى
بۇياندى يووايا بىر آيدىن گۆنده .
نه گۈردو ؟ بيرجە جۆت قوش يومورتاسى
بىر يىغىن ناتاراز چۈر - چۈب اوستوندە .

دۆشوندو ... صاباح ، بو اتهنه جۆجه
چۈر - چۈپون اوستونده نىچە ياتاجاق ؟
ديرچەلېب ، يووادان پرواز ائدىنچە
يالىنجىق جانينا تىكان باتاجاق .

بىر اۇرۇج يوموشاق كاغىذى ، يۇنو
سلقهايلىن دۇشەدى چۈر - چۈپون اوسته .
سۇنرا ، احتىاطلا ، جۆت يومورتاني
گىئنە اۇز يېڭىنە قۇيدو آهسته .

اۇ قوشما اورەكىدىن قايىغى گۈستەرن -
شىفتلى دۇستومون كريم دير آدى .
كرامات گۈستەرىب ، اۇز عملىيندن -
گۈزۈنده رضایت حىسى پارلادى .

سۇن گۇنۇ ، اۇ ، دۇندۇ آنا وطنە
قوشون طالعىنندن خبرسىز گىشتى .
بو دستان بىر يامان درد اولدو منه
اۇ قوش ، اللى - دىلللى ، ايتدى كى ، ايتدى .

اۇ ، تكجه بىر يېڭى قۇيوب گىئتسە دە
منىم مىن - بىر يېڭى گىشىر گۆمانىم
كۆسوب ، اۇز يوردونو وداع ائتسە دە
اونون دويغۇسونو من نىچە قانىم

نه بىليم ، او ، بلکه ائله بىليب کى ،
كار - كاغىز ، او نونچون تۇردى ، تلهدى .
مجازى محبّت ، بعضًا اۇلوب کى ،
عملده ، غايىھسى ، قىصىدى بىلەدى .

بلکەدە يووايا باش وۇران كىيمى
سېزىب کى ، او نا بىر يادلى دەيىب .
او ، او ز كۈلگە سىندىن نگران كىيمى -
يووايا ، بىر يۇللۇق ، الوداع دئىيب ،

ايستەيىب دئىسين کى : آشىاندا ، او
نفترلە قارشىلار نگرانلىغى .
نه اۇلار اوفاجىق قوش اۇلاندا او
قوشلار دا سئويرلر امن - امانلىغى !

بىر سۈز دە دئىيب کى ، دە يەردە تكدى
دە يەرى او نون يۇخ ، سۈزۈنۈنكۈدى :
قارادى ، قورودو ، يومشاقدى ، بركى دى
بو يووا ، هرنەدى ، او زۇنۇنكۈدى .^{۱)}

۱) بو شعر آدداشىم ، «كرامتلى» قوناغىم آقاي كريم ناظرى يە اتحاف اولموشدور .

سالدى

عشقون منى عالمده عجب موشکوله سالدى
رسوای جهان ائيله دی ، ديلدن ديله سالدى
عئمروم بؤيو ، من ، تكجه ، گۈنۈل بير گوله وئردىم
بۇلبولدو اوڭى ، مهرىنى گۆلەن گوله سالدى
مین كوزه محبت مشىي چىكدىم ، يۈلا دۆزدوم
عشق اھلى ، اوّنا هر بىرى بىر زىنگىلە سالدى
تۇم زۆلفۇنو ھۇردون ، ھۇروييون نقشىنى گۈرجى
نقاش طبیعت گۈئوروب ، سۇنبولە سالدى
اول ، منى ، سۈز وئردى كى ، گۆندەن گۆنە گە ، سە ؟
انصافنا ... اىنچ ؟ اىزىز نېيدىن اىلە سالدى

بو ، عشق دئييل كى ، منه لطف ائيله يىب آلاه
بىر ياندىريجى اوّددو كى ، دين و دله سالدى
عشقين يوڭو داغدىر ، اوّدو كىروان چكەيلىمز
ظنّ ائتمە كى ، ليلا بولۇچۇ مەممىلە سالدى
دهيدىم او قارا زۆلفە ، دنىز تك لېلندى
چىتىك داشى ، بىركس ائلەيىل كى ، گۈلە سالدى
مجنۇن كىمى ، اوّز عشقىنە، لايق منى گۈرجى
تلطيفيم اوچون بۇينوما بىر سلسە سالدى
ھجران گۆنو ، زۆلفون گىشە فريادىما يىشتى
سانكى ، منى ارحامى يىلىپ ، بىر صە سالدى
بىر تىل قىرىلىپ ، قالدى اليمدە هۇزوپوندن
«سۇنمز» بوسىئىنە گۇنلون ، او نازىك تىلە سالدى

اوغلوما جواب

آلقيش !

مكتوبونو آلديسم ، سنين احسانينا آلقيش !
اولگون تنيمه جان چيلهدين ، جانينا آلقيش !

جان اوسته ايكن من ، او مسيحـا نـفسـينـله
درـمانـ اـئـلهـ دـيـنـ درـديـمـهـ ، درـمانـينا آلـقـيـشـ !

هر كلمهـسىـ ، سـانـكـىـ تـزـهـ - تـرـ گـولـدوـ ، چـيـچـكـ دـىـ
بو يـازـقـوخـولـوـ ، گـولـلوـ گـولـوـسـتـانـيـناـ آلـقـيـشـ !

معـالـىـ سـكـوتـ اـيـچـرهـ اوـ گـيـزـلىـنـ هـيـجـانـينـ
فـريـادـيـناـ ، توـفـانـيـناـ ، عـصـيـانـيـناـ آلـقـيـشـ !

اوـدـ شـؤـعلـهـ چـكـيرـ سـانـكـىـ سنـينـ حقـ نـفـسـينـدنـ
آلـقـيـشـ اوـ يـانـارـ قـلـبـينـهـ ، وـؤـلـقـانـيـناـ آلـقـيـشـ !

سانديم کي ، سؤزون سيرغادي ، آسديم قولاغيمدان
سويله ! بسوپورق سنلهدى ، فرمانينا آلقىش !

دینیم ده - دئدين ، ريب - رياسيز ياشاماقدى
اوغلوم ! سنين او دينينه ، ايمانينا آلقىش !

سن ، مشعل اليinde يو لا چيخ ، من ده دالينجا
آلقىش او آچيق فكرينه ، وجدايننا آلقىش !

«سيز» دن «سن» ه گىچدىكده ، آييردين منى ، سندن
اولسون ! گئنه بو منطقە ، برهانينا آلقىش !

«وحدت» يو لولو «كترت» يو لونون عكسى دى ، مطلق
«سن» دن «سيز» ه سغير ائيله سن ، عرفانينا آلقىش !

جانان ديلهين بير او ره گە جان نە گەرك دير
ساڭك كيم ايسمە ، جانينا ، جانانينا آلقىش !

یاشا!

دئدى: نىشىليم؟ قىسّا عؤمروم
ياشامادان چاتير باشا
دئديم: سن ده، هر گونونو
بىر آى ياشا، بىر ايل ياشا

بىر بولود اول، ياز بولودو،
گاه گۆلوب، گاه آغلا ياسان
سېل ده اوْلسان، كۆكىرەمە كى
حيات يولون بااغلا ياسان
آراز اول كى، بىشىگىنده
دنىز كىمى چاغلا ياسان
ساكين اوْلسان، قۇخويارسان
ھئى بولان، هئى دورول، ياشا

ایسته سن کی ، عؤمرون چایی
 عمان کیمی درین اوْلسون
 بو دال غالی حیات سنه
 بال شهدی تک شیرین اوْلسون
 اوْزون آزاد یاشایارکن
 اوْرەکلرده یئرین اوْلسون
 محبّته قلبی نی آج
 هم سثو ، هم ده سثویل ، یاشا

انسان اوْچون گؤزل خصلت
 اوْز خلقینه صداقت دیر
 اوْندان گؤزل خصلت وارسا
 انتظارسیز محبّت دیر
 داما نجیب ، داما یوکسک
 بیر عوض سیز سخاوت دیر
 خشیر ایش گئرسن ، مطلق اونوت
 بیر آللە ، بیر سن بیل ، یاشا

اوْزون عؤمور نه یه گره ک ؟
 چالیش عؤمرون آنلى گئچسین
 حیاتینی بارلى سئوشن
 قۇی دومانلى ، چنلى گئچسین

دئمەم نىيلە! چالىش آنجاق
سەنین عۇمۇرون سەنلى گىچىسىن
اۋزگەلر تك، مىن اىل آزدىر
اۇزۇن كىيمى بىر اىل ياشا

آدىنى كى، شاعر قۇيدون
حىقىن دىنر دىلىسىن سن
عالّامە دەر اولسان دا
سانما ائلچەبىلىرىسن سن
مجىز يازسان
نوح عۇمۇرۇجىن ياشاسان دا
اۇلوسنى سن
يىشى گلسە، حق سۇزو دئى
اولسىن دە اول
دىرىيل
ياشا!

١٣٦٣

يئر بۇشلۇغو

عاشق ، اوْدم کى ، سېۋو迪گى يارىن بىرىندهدى
سانكى ، اۇنون مقامى بەھشت بىرىندهدى
گئىتىن ، سىنىلە گئىتى بۆتون صبر و طاقتىم
سنسىز ، باخىشلاريم گىئنە خاپى درىندهدى
«يئر بۇشلۇغو» دئىيندە ، اليم گئىتى قلىيمە
يعنى : او ، گىئتمەيىب ، ھله دە اوْز يئرىندهدى
بۇيىلاندى سىينەمە ، گۈرە بىلكە جمالىنى
بىر زاد گۈرەنەدىم ! - دئىدى ، بىكى درىندهدى
حىئىرتىلە باخدى گۈزلىيمە ، گۈردو يارىمەن
شكلى ، بو گۈز بەبىكلىيمەن هر بىرىندهدى
پاك اولسا گۈز ، باخىشلا يۈل ائيلر اورەك لە
من دە ، گۈزۈم ، اوْدوركى گۈزلە گۈزلىيندەدى

مكتوبومو گئيه رچينه وئرديم ، چكىنمه دى
نيسگيل دۇلۇ يۆكۈم دۆ كى ، هر بىر پريىنده دى
احسن ! دئسە سىنى يارادان حق ، بو ، سهل دير
حکمت ، اوپۇن «اۇزو - اۇزونە آفرىن»^۱ دەدى
يارىم اۇيۇنسە حۆسۈنە ، حقدىر ! كى ، عشقى نىن -
سۋوداسى «سۇئىنمز» يىن بو بلالى سرىيندە دى

۱) سورة مؤمنون ، آية : فَبِارَكَ اللَّهُ أَخْسَنُ الْخَالِقِينَ .

اۆزوم داناق چكىر

بو گئجه ، اۆزومدن بۇي دئىه - دئىه
بىر غزل اۆخودوم اوشاقلارىما .
اوخويما - اوخويما بوخاق ساللاديم
غىرور گۆل دۇشەدى ياناقلارىما .

عىكسىنە اولاراق انتظارىمەن
بىرى مۇرگولەدى ، گۈزلىرى سۆزدۇ .
بىرى دە يۇنىھىپ اۆز قارداشينا
قىيقاجى گۈز وۇردو ، دۇداغىن بۆزدۇ .

آللاما آشكاردىر ، سىزدىن نە گىزلى
بو اىشدىن بىر آزجا اينجىديم آنجاق .
باشلاшим اۇنلارا اۋىبىت وئرمە يە:
« باخىن ، بو هنردىر ، دئىيل اۋيونجاق !

هر گؤزل منظومه، هر بير غزل كى،
راحتجه يئتىشىر سىزىن اليزه،
شاعرين عؤمرۇنون بير پارچاسى دىر
ياوا سؤز گلمەسىن گرهك دىلىزه !»

بىرىسى پارتلادى نارنجك كىمى
أتالىق حرمىن بىر آن اونوتدى.
اليسنه بىر قالىپ صابىن آلاراق
ھئى منى ڈانلادى، يودو، آرىتدى:

اتا! دىنلەيىرم اوپوتلىرىنى
الينى اوپورم اوغۇللار كىمى.
أتالىق حقىنى عزيز توتورام
شعرىنى اوخورام ناغىللار كىمى.

لاكىن، اوز بىئينىمە دئىيەيلىميرم -
سيزكىمى دۆشونسون، سىزكىمى قانسىن
من گۈرەيلىميرم يىشنى نسليمىز
سيز ياخان آلۇوا قۇرۇولسون، يانسىن.

دئىيرم، خۇشۇزا گله - گلمەيە
گىچمىشىدە گۈنۇزو سويا وئرمىسىز.
او زگەلر دۇلاندا درىن معنايا
سيز، بارسىز سۇيود تك، بۇيا وئرمىسىز.

يازديغين كتابلار كله مه ده يسيين -
اولماسا مين سؤزه يارييم عملين.
سؤزونه بيرجه باغ سؤوزو وئرمزلر
اوستادي اولسان دا شعرىن، غزلين.

هنرى كيم سئوير هنره خاطر
يازديغى نه اولار؟ بير سويوق اوچاق !
شعرينى يازسا دا قيزيل سويويلا
قاليب تاقچالاردا تۆز باسار آنجاق !

منجه ، گل ، بير كره بۆك ، قۇى قيراغا
بو جانسيز ، معناسىز كار - كاغيدلارى .
نه اوخو بيرينه ، نه ژورنالا وئر
ائللرى اوزونه گۆلدورمه بارى !

كاروانين آردینجا سۆرونن تۆسدو
نه قدر گۈر اولسا ، تۆسدودور ، دئمك .
گرهى مشعل اولوب ، اۇن سېرالاردا
كاروانين يۈلونا ايشيق چىلەمك !

هنر - بير اينجي دير ، آينادان دورو
نه رىا گۇئورەر ، نه تزوير آنلار .
اصللى بىدلدن ، اگرىنى دۆزدەن -
سەچر بير باخىشدا آييق انسانلار .

بىر يىتيم اوشاغىن آغلار گۈزلىرى
ھر بىرى ، بىر غزل مصراعلاڭارى دىر .
ظلمتى ياندىران ھر شاخان شىمىشك
بىر شعرىن ان گۈزلى مصراعلاڭارى دىر .

بىلمىرم كىم دئىيب بو درىن سۆزۈ :
« صىنعتكار اۇخشا يىر بىر بايراقدارا » ،
بايراقدار اۇردونۇن آردىنجا گىتمىز
دؤيوشىدە دۇشونە دەيسە مىن يارا .

يازىچى دۇيماسا خلقىن دردىنى
مىليونلار اىچىنده يالقىز قالاجاق .
خلقىن نىن امەگىن ايتىرن شاعر
يقىن اللاهادا نانكور اولاچاق .

نىتجە كى ، سىاسى حياتدا ، بعضاً
بىر كلمە دانىشماق بىر خيانى دىر ،
بعضاً دە حياتىن بورولغانىنىدا
شاعرىن سكوتو بىر جنایت دىر !

ھنر نە اولدوغۇن منىن سۇرۇشىسان :
اۇ بىر واسطە دىر ، غايىھىسى : انسان !
سەن اۇنۇ معنالى ياشادا بىلسىن
اوندا ، گىت يازگىلن ، ھنر يازىرسان !

باغلامىشام من

شكسته گۈئنلومو درد نهانه باغلامىشام من
اۇنسونلا ايلقارىمى جاودانه باغلامىشام من
او، زىروهەن بوراخىلىميش داشام كى ، داغ - داشا قارشى
سېنىب ، داغىلىمامىشام ، هئى كمانه باغلامىشام من
گۈرۈب او تۈزلو - دومانلى يۈل اوسته آخساپىر عقلىم
حىاتىمى او يۈلا عاشقانه باغلامىشام من
ائىش - يۈخلوشو ، قارانلىق ، تىكانلى كعبه يۈلۈمدا
او مود باخىشلارىمى كەڭشانه باغلامىشام من
سىن اۇخون منه چاتماز ، اۇزونو يۈرما ، آى او وچو!
كى ، زىروهە ئۆزۈمە آشىانه باغلامىشام من

سنه اوميد اولالي ، داغ كيمى يقين دن ال اوزموش
رجامي توك كيمى نازيك گومانه باغلاميشام من
مني اونوتميي يارييم ، گئنول پريسي ساچيندان -
او اينجه بارماغا بير تئل نشانه باغلاميشام من
دئينده : اينجي دى شعرىم ، دئين كى ، بويوننا سالسىن
كى ، بو بويونباغىنى ماهرانه باغلاميشام من
بۇراندى، شاختادى، قىشىدى، كۈچور گئنول قوشو «سۈنمز»!
بو هدىئىنى يۈلونا اركيانه باغلاميشام من

اورمیه‌لی - تبریزی

تبریزدن ، ساواشین گرگین گۆنلری
هامى باش گؤتوروب ، چۈللەرە قاچىب .
یارالى « اورمیه » ، مەربانلىقلا
بۇتون قاچقىنلارا قوجاغىن آچىب .

چۈرەكچى بو گۆنلر اعتناسىزدىر
مشترى بۇل اۇلسا ، مال شىرىن اۇلار .
يىئرىندىن تىز دوران ، گلىر ، يىئر توپور
اوپ - اوزون اوزانىير صىفلر ، سىئالار .

سېناق گۆنلردىر ، تانينىر ھامى
بو دۇنور مەلهگە ، او دۇنور دئوھ .
بىيرى آرتىق آلىر احتىاجىندان
بىيرى دە الى بىوش قايىدىر ائوه .

بئۇرلوب صىفە بىر يېڭلى مشترى
آمانسىز سازاقدا يارپاڭ تك اسىر.
- آقا شاطر! وئرىرسن، يا قۇيۇم گىددىم?
تېرىزلى تىز اۇنسون سۈزۈنۈ كسىر.

آيىلىپ سىڭى دن بىر داش گۇئىتۈرۈر
چالىشىر سۈزۈنۈ ياخشى قاندىرسىن.
- قارداشىم، بىزلىدە بىئە دەمىزلىر
دئىھەرلر: وئرىرسن، يا وۇرۇم سىئىنسىن؟!

۱۳۶۲

دئسم عؤمروم نئجه كئچدى ...

عؤمروم يامان پايزلادى
ياشىم چاتدى آلتىمىش اوچە .
مېن بىر دىلك ، مېن بىر أرزو
دۇغرو لمامىش چىخىر هئچە .

من حياتىن گۇر چايىندا
بسكى اوزدوم باش يوخارى ،
بىلكلرىم هئى دن دوشدو
مېن بىر دالغا گئچە - گئچە .

باخاندا دا ساحيللەرە
غريق گۈرددوم قالاق - قالاق .
قورد - قوشلاردان آرتىق قالمىش
ايىكلىشت لر نئچە - نئچە .

حقيقە وۇرغونلوغوم
چىكىدى منى صحرالارا ،
سۋوگىم ! - دئىيە سۇراغ توتدوم
قاپى - قاپى ، كۆچە - كۆچە .

«قوندوم - كۈچدوم» اويناياركىن
بو بشش گۆنلۈك عؤمور يىتدى ،
بو منزىلدىن او منزىلە
قوئا - قۇنا ، كۈچە - كۈچە .

هر زمان دا راست گلنده
تزه مامیز یارمیشلارا ،
حق آدینا قاناد گھریب
خوروزلاندی بشچه - بشچه .


هر اینجىنى اصيل سانديم
سیناق وقتى بدل چىخدى ،
هردن دوشدومن سئچمهلىگە
گزه - گزه ، سئچه - سئچه .

آخىر دؤندوم اوْز «من» يمه
اوْ ، منه بير قىدح سۇندو ،
حقى تاپدىم اوْ قىدح دن
دادا - دادا ، ايچە - ايچە .

دئىسم عۇمرۇم نىشە كىشىدى
دىلى عاجىزدىر ، سۈز داريسقال .
سانكى خنجر كىچىر قىلە :
يارا - يارا ، بىچە - بىچە !

باھار - ۱۳۷۰

آمان داغلار



بو منظومه ، صمیمی داغ بولداشیم حاجی محسن
آقا فراحت - بن او سون دره سینده^۱ گؤستردىگى
فدا کارلیغىنى خاطرلاركىن يازىلىمىشىد . منظومەنин
نشر تسارىخىنە ، عزىز دوستومون ابديتە
قۇروشىمۇش اۇلدۇغۇنا گۈرە ، منظومەننى اۇنۇن
بۈيۈك و پاک روحونا ، و عزىز خاطرەسىنە ھەدیه
ائىبرىم . س

باش يوخارى بىر درەدن
گئچى كىمى دىرماشىرىق .
سېىلدىرىيملى بىر سرەدن
ھئى چىخىرىق ، ھئى آشىرىق .

يۇل اوستوندە ،
نه گلەنин ، نه گئدەنин
آياڭىنин اىزى قالميش ،
نە بىر سۇنوك اوْد - اوْجاغىن
يېرده كۆلۈ ، كۆزۈ قالميش ،
تام معنادا ، بىر باكىرە ، وحشى يۇلدور .
گئويەرنى آز اولسا دا ،
گۈم - گۈى ، ياشىل اوشقۇن بۇلدور .

۱ - او سون دره سى : تهرانين شمالىندا ، البرز داغلارى نىن انگىنە يېرلەشىر

شلاللەر جۇشوب ، شاق - شاق شاققىلدايير .
سانكى دئىير : داغچى ، دايىان ،
يۈل اوزاندىر ، غافىل كىچىمە !
قومىمانى آيىل دۈلدۈر !

سو، هاوادا، پهرين - پهرين اوْغولارکن
شکر کیمی سه پهله نیر باشيميزا.
بوللور سولار حیات و ترير
دره میزه، داغيميزا، داشيميزا.

دؤستوم دئيير :
آزجا دايان ، بو عطيرلى ، شىخ هاوا دا
جاناسينر بير نفس چك !
سن ، تهراندا ، بو هاوانى اىچنمزىن !
بو شىخ هاوا ، تميز هاوا
داغدادير تك !

بایخ! ایندیجه، گوئی اوّزونده
یشتدی رنگلی گوئی قورشاگین گئوره جکسن!
سیرده، هاچان بوگونکو تک
گوزل عئومور سوره جکسن؟

☆ ☆ ☆ ☆

☆ ☆ ☆

بىر نىچە آن دىنجه لىريك .
رەبرىمېز دئىير : هايدى ! دورون ، ياللاه !
من قالخىرام .
عىنى حالدا ، ستوينجىمدن
چەپىش كىمى اويناقلىرام .

تميز هاوا ، جىڭىرلرده مئى دۆزەلدىر ،
ھئى اىچدىرىر ، ھئى دۆزەلدىر .
بو درەدە ، طېيعتىن گۇرونوشو
گۈزەللىكىن كمالى دىر .
داغچىلارىن ، آينا كىمى
اورەگى تك صفالى دىر .

آستا - آستا ، احتياطلا دىر ماشاركىن ،
بىر نقطەدە دايانيرىق .
ايلك باخىشدا ، بو نقطەدن
نه چىخماغا امكان واردىر ، نه ائنمە گە .
نه قالخماغا ال يىشى وار ، نه دۇنمە گە .
ائىله بىل كى ،
يۈل باغلى دىر اۆزوموزە .
گىرى دۇنوب ، باخماق اولمور ،
باخاندا دا ،

و حشت چۈكۈر گۈزۈمۈزە.

اۇنومىدە كى سىيلىدىرىيمى سئىر ائىندىدە،
آز قالىر كى ، بئركوم دۆشىسون .

غىرىبەدىر :

دېرىماشماقى مۆمكۈن اۇلان بىر قايادان
ائىنمك اولمۇر .

بااغلى يۈلدان ، چىخىماز يۈلدان
بىر دە گىرى دؤنمك اولمۇر !

اوچوروملا ، بىر جە قارىش آرامىز وار .
قاپاق سددىر .

حىاتىمىز بىر آستاجا پۆفە بىندىرىر .
حىات ، مىن - بىر آجىسى لىن ، شىرىنى لىن
قالىب دالدا .

آنالارين ، باجى لارين گۈزو يۈلدا ،
يۈلداشلارين بىرى ، سحر ،
اثو - اوشاقدان آيرىيلاركن ، دئىيب :
صاباح ، بىشىدە گىللەم ،
گلنده دە ، شامىمىزچون چۈرە ك آلام .

بىرى دئىيب :

حاضىرلاشىن ، گلىم گىئىدە ك بابام گىلە .

اوچونجوسو :

تبريزده کي آناسى نين يوْلۇن گۈزلىر .
دۇردونجوسو ... بېشىنجى سى ... سۇنونجوسو ،
ھەرسى نىن مىن اۆمىدى ، مىن آرزيسى ...

ناغىللاردا ، آنام منه
«قىيل كۈرپۈ» دن دانىشمىشىدى .
بوگۇنە جن ، اۇ كۈرپۈنۈن نە اولدوغۇن
قانىمامىشىدىم .
عقلیم نە يېي كىسمەينىدە ،
دۆشۈنۈشىدۇم ،
اۇز جەھلىمى دانىمامىشىدىم .

ائىله بىل كى ، بوگۇن داغدا ،
مۇدرىك حىيات ،
اۇزو قىدا ، بىلە - بىلە ،
اۇز چىخىنى فيرلا داركىن ،
بىر نقطەدە ساخلا مىش كى ،
«قىيل كۈرپۈ» نو ،
منه عىينا نشان وئرسىن .

دئمك ، ايندى ،
اۇ كۈرپۈلە اۆز بە اۆزم .
بئىيوك سىناتق قارشى سىندا ،
بو آمانسىز طبىعتىلە دىزبە دىزم .

بىز ، كئورپونون بو باشىندا داييانمىشىق ،
اويان : حيات !
بويان : اولوم !
ائىلە بىل كى ، آستا - آستا ،
سرخوشلۇغۇن ، تزه ، شىرىين رؤياسىندا
اويانمىشىق .

تەھلۈكەنин نه اولدوغۇن ،
بىر دانىلماز ، بىر قاچىلماز گرچك كىمى
اييانمىشىق .

يا اولومە توش گلىرىك ،
يا زىروه يە يۇل آچىرىق ،
اوچونجو يۇل عقلە گلمىر .

اليمىزدە هەچ نه يۇخدور .
نه كۆلونگ وار ، نه پۇلااد مېخ ، داش دلمە يە ،
نه دە اىپ وار ، دير ماشماغا ،
شىلدەر دە ،

بىرىئەمك وار ، بىر دە گئىيىم .
جوانلىيغىن بىر آدى دا جاھىيللىق دير ،
بونو بىلسن ، داي نه دئىيىم !

بىردىن - بىرە ، هوھىسلەنېب ،
الى يالىن ، وسىلەسىز ،

سینانمایش بیر نابلد یوْلا چیخماق،
بعضًا عین-جهالت دیر.
من او شاقکن،
آتام هردن دئیه ردی کی:
اوستا صالح نه کاره دیر؟
ایشی گورن مصالح دیر!

☆ ☆ ☆ ☆

بیر انسانی، بیر عَدَهْنی،
هرنه یه سه ایناندیر ماق،
چتیندن ده چتین دیر سه،
گورورسن کی،
او انسانین، او عَدَهْنین
او میدینی، اینامینى الدن آلماق،
آساندان دا آسان ایشدیر.

بو لحظه ده، داغچیلارین
روحیه سین، اراده سین
الریندن آلماق اوْچون،
رهبریمیز، بیر جه کره
«ای واى! دئسه، کفايت دیر!
انساندا کی اوْزه لیلیک لر،
بیر جهتدن،

دئمک عینى طبیعت دیر .
چىرتما داشى ،
آتاندا بير آرام گؤله ،
بۇتون گۈلۈن اۆزەرىنده ،
دایرەوى لېھلىرىن يايىلماسى
بو سۈزۈمۈن دۆزلىويونه دلالت دیر .

او چىرتما داش ،
ايىندى ، بىزىم راھنمائىن ئىيندە دیر .
اۇنۇن اوچۇن ، بولەحظەدە ،
شرافتە خباثىن ،
صداقتە خيانىتىن ،
بىر قىيل قىدر آراسى وار .
اۋىز عەھدىنە ، ايلقارىندا ثابت قالسا ،
داغچىلارى ياشاداركىن ،
او ، اۋزو دە ياشاياجاق .
اۋلمىزلىگە قۇروشاجاق .
قىيل كۈرپۈدن گىچىنەسە ،
اۋىز حياتىن ، اۋىز نجاتىن
داغچىلارىن حياتينا ،
نجاتينا اوستۇن ساپىسا
ياشاما قچۇن هاراسى وار !

هر بىر بۇيوك باش بىلەنин ، يا رەھبرىن ،

خدمتى ده ، خطاسى دا
 اؤزو قدهر بئيوىك اوّلار .
 اوّلو حقّه مين شوّكوركى ،
 بيزيم مودريك باش بيلهنىن ،
 آرام روحى ، گورن گؤزو ،
 درين سؤزو ،
 اسلام كيمى دوروشوغۇ ،
 قافلان كيمى ياراشىغى ،
 اوّرهك وئيرىر ، الهام وئير داغچىلارا .

بو سىيلدىرىم ،
 هرنە قدهر او جادىرسا ،
 يۆكسك دىرسە ،
 اوّنون روحى ، ارادەسى
 سىيلدىرىم دان دا يۆكسك دىرسە ،
 بىلە داغچى ، داغدا تك دىرسە ،
 داغ دالغالى توفانلاردا ،
 اوّ ، سارسilmaz بىر نهنگ دىرسە .

☆ ☆ ☆ ☆

« داغچىلارين بىريسى ، بو سىيلدىرىمدان
 چىخا بىلسە ،
 قئيىشلىرين بىر نئچەسى

بىر-بىرىنە دۆيۈنلىنسە،
قالانلارا يۈل آچىلار.»

هامى بونو دۆشونزىكىن،
هامى بونو آنلاياركىن،
هامى بونا ايناناركىن،
هئچ بىرىندىن جىئنقىر چىخمىر.

داغچىلارين سىئراسىندا،
بركە - بۇشا دۆشىن دە وار،
تجروبەسى آز اۇلان دا.
ايستى - سۇيوق قارشى سىندا،
سىئيرىنسە يىب، پىشىن دە وار،
تىز سارسىلىب، سۇزالان دا.
بونلا بىلە،
بىر كىمسە نىن سىسى چىخمىر.
گىئنە تكجه،
رەھرىمەز دىلە گلىر:
« - قىيىشلىرى آچىن، دۇستلار! »

باش بىلە نىن بو سۇزو يىلە
اوّرە كىلدە،
اوّمىد نورى ايشىقلانىر،
ھر گۇزدە بىر اولدو زيانىر،

دئمك ، ايگىت قەرمانىم ،
جانبازلىغا حاضىرلانيز .

يۇلداشلارين اۆرەكلرى
ھېجانلا دۇلوب ، داشىر .
سینەلرده ،
اۆرەكلرىن چىرپىنتى سى شىتلەنierz .

عىنى حالدا ،
چىخىش يۇلو آچماق عشقى ،
زىروەلردىن آشماق عشقى ،
گۈنوللرده حدّتلەنierz .

قەرمانىم ،
اۆز معنالى باخىشى لىن
باخىرىشىدى يۇلداشينا .
قلم آلىب ، بىر زاد يازىر ،
وئىرەكىچىك قارداشينا .
دىل - دۇداغى آراسىندا نە دئىيرسە ،
بىلە ايدىم كاش !
گۈزلىيندە ،
اولدوز كىمى پارىلدايان گۈز ياشىنى
سىلە ايدىم كاش !

بو لحظە دە ،

گۈزلەنيلمۇ بىر واهىمە ،
دەشتلى بىر نگرانلىق ،
اۆرە كلە كۈلگە سالىر .
ملول - ملول ، سوآل دۇلۇ ،
بىر - بىرىنە باخىر دوستلار .

باخىشلاردان ،
بىر مقدىس سئوينج ايلە
ان مقدىس كەر ياغىر .

سئوينجىمۇز :
قورتولوشون ،
ان ضعيف بىر او مىدىندن ،
ايшиغىندان دۇغان كىمى ،
كەريمىز :
قەرمانىن ، قىلدان نازىك ،
قىلدان ايشگە ، قىلدان ضعيف -
بىر كۈرپۈن گئچمە گىنە حاضىرلىغى ،
طېيىعتلە ،
اۇلوم - دىرىيم دؤيوشونە گىريشىمەسى ،
نهايىتىدە ،
بىر مقدىس ايثارىندان نشأت تاپىر .

دۇستلار بونو آنيرلاركى ،

اۇز عهدينى او نوتىمايان ،
داغچىلارين دالىسىندا ،
داغ تك دوران قهرمانىم ،
دۇققۇز او شاق آتاسى دير ،
اۇن نفرە جوابىدە دير !

ايگىت ، آنجاق ،
ترددودە ، تزلزولە ،
بىر ذرىھ دە امان وئرمىر .
دۇستلاريلە حلاللاشىر ،
دۇستلار اونا خىيير - دوعا وئرن كىمى ،
على ! - دئىھ ، بىر ھايقىرىپ ،
قافلان كىمى دىك داشلانىر ،
تكجه ، بىر گۈز قىرپىمىندا ،
دىئر ماشاراق ،
قۇنور ھوندور سىللىدیريمىن
لاب باشينا .

داغىن ، داغا قۇۋوشماسى محالدىرسا ،
اۇز گۈزوملە گۈردىم نىشجە
داغ سىچراadi داغ دۇشونە !

سینە لىر دە ،
حبس اۇلونموش نىسلەرە

يۇل وئریلیر.

هامى بىردىن كۈكس اۇتورو...
قەرمانىم،

داغ تك دورور داغ باشىندا،

قىيىشلىرى ساللا ياراق،

دۇستلارىنى بىر - بىر چكىر،

اوچورومدان نجات وئریر.

آلینامامىش بىر زىروه يە

يۇل آچىلیر.

ساغ آچىلیر، سۇل آچىلیر.

اۆزوموزه داغلار گۆلور، داشلار گۆلور.

شلالەلر شاققىلدايير،

چىل كھلىك لر قاققىلدايير،

كاروان گىئنە، دئىيە - گۆلە،

داغдан آخان گور چايilarين آهنگى لن

يۇلا دۇشور.

عەمرومدە چۈخ سىناسام دا،

بوگۇن، بۆتون وارلىغىملا

ايناندىم كى،

يۇلداشىن ان ياخشى سىنى

يامان گۈندە سىچىمك اۇلار.

بىر يۇلداش كى،

دۇست يۇلوندا جاندان گىچر ،
اوندان مىگر گىچمك اولار !
او يۇلداشين ،
بىر مقدىس آيىده تك ،
باشينا آندا يېچمك اولار .

☆ ☆ ☆

ال كسىلسە ، قول باغلانسا
قارتاڭ اۇلوب ، اوچان داغچى !
اۆزۈمۈزە يۇل باغلانسا
چىخىش يۇلو آچان داغچى !

زىروهلىرى چىن دۆشىنە
اىل - اۇبادان گىن دۆشىنە
قىيل كۈرپۈليلە اۆزۈلەشىنە
دۇغرو يۇلو سىچن داغچى !

داڭلارىن سربىست يۇلوندا
ھە بىر حقلى سىن يۇلوندا
داردا قالان دۇست يۇلوندا
شىرىن جاندان گىچن داغچى !

بو بىندردىن ، بىرەلردىن

دومان چۈكۈمۈش درەلردىن
سېىلدىرىيەمىلى سرەلردىن
قافلان كىمى قاچان داغچى !

اۇلوشىگە مىش چىچك لرە
دۇغۇرۇما مىش دىلەك لرە
ما يو س اولمۇش اوئە كلەرە
او مىد نورى ساچان داغچى !

يا خىنلار دان او زاقلا را
باخ بىر قانلى شافاقلا را
سۋىيلە : بىر دە بو داغلا را
گلە جىكسن هاچان ، داغچى !

☆ ☆ ☆

بىز، زىروه دن قايىد اندا ،
او شرفلى ، مرد اىگىدىن قارداشىندان ،
قەرمانىن سېىلدىرىيما چىخان زمان ،
يا زدىغىنى خبر آلدىق ،
قەرمانىم ، بو مضموندا
بىر وصىت يازمىش ايدى :

آن د اىچمىش شرفىمە

منيم آرخام ، ائليم دؤستلار!
يا سيزينچون بيريۈل آچىم
يا بويۈلدا اولوم ، دؤستلار!

بيريۈل قوشاقولان دئىسم
شىبىتىرە مىلان دئىسم
من سىزلىرە يالان دئىسم
قوروسون بو دىلىم ، دؤستلار!

بو چىرىپىنان اوّرە گىمى
پاک آرزىمى ، دىلە گىمى
بو دۆنیادا هرنە يىمى
گلىن ، سىزلە بئولوم دؤستلار!

هر بىرىزىن رنگىز آتسا
سۇيوق وۇرسا ، خستە ياتسا
آياغينا تىكان باتسا
سيئنار منيم بىلىم ، دؤستلار!

داغ هاواسىن دىلى گۇرسىم
بىر آن سىزى غەلمى گۇرسىم
گۈزۈنۈزۈ نەلى گۇرسىم
محالدىر بىر گۆلۈم ، دؤستلار!

شلاله لر چاغلار سىزه
الهام وئره ر داغلار سىزه
هردن يۈلۈ باغلار سىزه
اۇندا ، دئىين گلىم ، دۇستلار !

يۈل وئرمە بىن تالانچى يە
ال او زاتسىن گۆل - غۇنچە يە
داغ دئىيەركى ، يالانچى يە -
حرام دىر بىر كۈلۈم ، دۇستلار !

آختارما يىين باغدان منى
سۇراغ توتون داغدان منى
نه سۇلدان ، نه ساغدان منى
داغدىر ساغىم ، سۇلۇم ، دۇستلار !

سرەلری يايلا غىيم دىر
درەلری قىشلا غىيم دىر
زىروەلری او يايلا غىيم دىر
شلاله سى گۈلۈم ، دۇستلار !

داغدان قۇزوۇن لىشلا جىلارى
كىسمە سىنلر آغا جىلارى
وۇرماسىنلار توراجىلارى
قادانىزى آلىم ، دۇستلار !

داغ باشىندان داش آتمايىن
داش آلتىنى بۇشالتمايىن
گۆلر اۆزۈ ياشارتمايىن
سيزه قوربان اولوم ، دۇستلار !

☆ ☆ ☆ ☆

بو خاطيره ، اوْتۇز ايلدىر
ياشار يۈرۈغۈن خاطيريمدە .
ايندى ، بارسىز عۇرمۇمۇزون
چۈخۈ گئتمىش ، آزى قالميش .

عۇرمۇن يازى غەلى گىچسە
داغ گۆنلرېم شىلى گىچمىش .
او گۆنلردن منه قالسا
بو دەيەرلى يازى قالميش .

او بىر گۈزلەنەن بىرى
او نو داغدا گۈرمەسم دە ،
قولا گىيمىدا ، بىر درس كىيمى
او نون درىن سۈزو قالميش .

چىخىش يۈلۈ آچان داغچى
اۇزو داغدان كۆسوب ، گئتمىش ،

لاكين ، بٽتون داغ - درهده
آياغى نين ايزى قالميش .

بٽير وقت ، اوٽون ايثارى نين
سٽزو ديلدن - ديله دوشموش ،
ايندى سٽزو اوٽوندولموش
اوّره كلرده اوّزو قالميش .

عطري داغدان گليرسه ده
آنjac ، يىرى بٽوش گورونور .
اوٽنسوز ، داغين نه اوّلطفى
نه اوّدادى - دوٽزو قالميش .

يئر آجلارى ، باخسان ، بٽتون -
داغ - درهنى قاپسامىشلار ،
« دەرە كە » دەن خلقە قالسا
فقط بٽير « هفت حۆضى » قالميش .

داغ دوشلىرى ، بٽولوك - بٽولوك
ويلا لا را چئورىلمىشدىر .
داغدا نه اوّ ياشىل دوشلىرى ،

1 - دەرە كە - سرین ، سولو - صفالى بٽير درهدىر .
2 - هفت حۆض - شلالەنин آخيشى ، تدرىجىله صىلدىرىملارى ازىوب ، دوزەلتىدىگى يىندىدى
حوضچىدەن عبارت بٽير ساھىدىر .

نه اوْ قوْيون - قوزو قالمیش .

« تهران » دئى : من قويمارام -
داغ هاواسى تميز قالسىن !
داغدا ، گئيون نه صاف آيى ،
نه پارلاق اولدوزو قالمیش .

« ويزباد »^۱ جانلى چينارلاردان
سيخ مئشه لىك دۆزەلتميشدۇ .
ايندى ، هۆندور چينارلارين
بىر نىچە جانسىزى قالمیش .

گۈردوگوموز آغا جلىقلار
كۆرە كىلگە كىيليمىشلىرى ،
كىندىن نه اوْ شن باھارى ،
نه اوْ گۆللۈ يازى قالمیش .

داغ چىچە گى ، داغچىلارى
مین عشوه ايلن آلقىشلاردى ،
ايندى ، نه اوْ طراوتى
نه عشوه سى ، نازى قالمیش .

۱ - ويزباد (وزباد) : درېند - بىن شرقى ساھەسىنە يېرلەشن درە .

دۇغما اكىز «شلالەلر»^۱
 گىشت ، گۇر نىچە سېسقا لاشمىش !
 يان - يئورەسى خلو تله شىب
 نە او شغۇن - يارپىزى قالمىش .

«تىلە كاين»^۲ گلن گۆندن
 «تۈچال»^۳ دۆشمۇش آياقلارا .
 او زىروه نىن وقارىندان
 بو گۆن قالسا ، آزى قالمىش .

«شهرستانك»^۴ درەسىنده
 آسىدېغىمىز بۇزباش هانى !
 ايندى داي او بۇزباشلارين
 باشى گىتمىش ، بۇزى قالمىش .

بىر دە او ردان يۈلۈن دۆشىسە
 «مش ذبؤاللاھ»^۵ گىلەد دۆشمە !
 او ، نە او زو ، نە عىالي
 نە او غلو ، نە قىزى قالمىش .

۱- اكىز شلالە : «آبشار دوقۇلۇ» نون توركىجه ترجمەسى دىرى .

۲- تىلە كاين (تىلەسىز) : الکترىسيتە قوه سىلە داغچىلارى يوخارى چىكىپ آباران بىر جهاز دىرى .

۳- تۈچال : تەرانىن شمالىنىداكى صىبرا داغلارىن ان او جا زىروه سى .

۴- شهرستانك : تۈچال زىروه سىلە كىج - چالوس جادەسى نىن آراسىندا بىر كىنە .

نەدن اىسە سۇن اىللردى
داغچى ، داغدان آياق چىكمىش ،
اصليل داغچى ، مىن اوْلسايىدى
سايسان ، ايندى يۆزۈ قالمىش .

داغىن مغۇر قارتاللارى
پىشىن وئرمىش قوزغۇنلارا ،
گۆل - چىچىكلى داغ - درەنин
تىكجه قارى ، بۇزۇ قالمىش .

نە بىر چۈبان تو تەگى نىن
سىسى گلىير قولاقلارا ،
نە بىر عاشيق ، قوجاغىندا
سيىز يىلداييان سازى قالمىش .

سۇن اىللردى ، «عاشىقلارا»
اىلە بىر تۇو تو تىدولاركى ،
قۇرخوسوندان ، سازاقلارىن
نە سازى ، نە سۇزۇ قالمىش .

رياكارلىق ، شىش بولۇد تك
قاناد گرمىش داغ - درەيە .
نە ايشلردى حقىقت وار
نە سۇزلرىن دۆزۈ قالمىش .

نه دن ايسه ، داغچيلارى
 «كولك چالا» يۈل وئرمىرلر .
 اوْنون نورلو مشعلييندە
 بير شاعرين گۈزو قالميش .

تىلە كايىن قورو لاندان
 قاطيرچى ليق پاك لوسلامىش .
 «پس قلعە» ئىن ، نه نالبندى
 نه دە پالاندوزو قالميش .

اوْ قاطيرچى «مش حيدر» دن
 بىر خېرىن وارمى ، ياييۇخ ؟
 دىئير : نه بىر خۇش گىتجەسى
 نه بىر خۇش گۆندوزو قالميش .

طيفيل اوْغول بؤيو تدوکى
 قۇجالىقدا الين توتسون ،
 سن ، اوْندا بىر طالعە باخ :
 اوْغلۇ اوْلموش ، اوْزو قالميش .

سۈزۈن سۇنۇ غملە بىتسە
دۇستلار ! منى باغيشلا بىن ،

-
- ١ - كولك چال : نىزچال انه گىنىن شرقى ساھەسىنە كى بىر استراحت بىرى
 ٢ - پس قلعە : توچال زىروه سېنە چىن بىر جىغيرىن باشلاتقىجىندا يىرلەشىن بىر كىندىن آدى دىر .
 مش حيدر دە اوْكىندىن ساكلەرىندە بىرسى ايدى .

گۇنۇل اۇدو سۇئۇمۇشىسى دە
كۆل آلتىندا كۈزۈ قالمىش .

گىلىم بوسۇن باھارىمدا
ايلىك باھارلا وداعلاشىم .
گۇردىم كاروان چۇخدان كۈچوب
تىك ، آردىجا تۇزۇ قالمىش .

مېن عشق اۇلا ، مېنلىر آلقيش
سنه ، اى قىهرمان داغچى !
هاردا سانسا ، يۈللارىندا
داغچىلارين گۈزۈ قالمىش !

☆ ☆ ☆ ☆

چىخىش يۈلۈ آچان داغچى
سنى گۈزلەر همان داغلار .
دى : گلىرسن ھاچان ، داغچى ؟
سنسىزلە يىب يامان ، داغلار .

زىروه سىينە چىن دۆشىندىن
ساچىلارينا دن دۆشىندىن
سندىن بىلە گن دۆشىندىن
قىدى اولوب كىمان داغلار .

اۆز و ساکىت ، ايچى و ولقان
دۇشۇ ياشىل ، باغرى آل قان
نەلر گىچىر خىالىندان
اۇز اىچىنە جومان داغلار!

دۇشوندە دىرناق يېرلىرى
سینە سىينىدە داغ يېرلىرى
ھەچ گۇرونمور ساغ يېرلىرى
باشىن آلمىش دومان داغلار.

سکوتونو سىيىندىرما يېر
داغچىلارى دىيندىرمه يېر
گۈنلۈم اوڈون سۈندۈرمە يېر
بىزدىن كۆتسوب ، گومان ، داغلار.

داغدا سىندىن قالان اىزلىر
داغچىلارىن يۈلۈن گۈزلىر
قارالدى انتظار گۈزلىر
اۇتوشىدوكجه زمان ، داغلار.

سن گىئىندىن فىكىرە دالىپ
اۇزۇن يامان دردە سالىپ
چۈخ گىچەلر آيىق قالىپ

گۆندوز، گۈزۈن يۇمان داغلار.

دۇمان چۈكۈب درەسىنە
بايقوش قۇنوب سرەسىنە
باخ بىندىنە، بىرەسىنە
سنسىز، چكىر امان! داغلار.

ايىدىرىمىن چاخىشى لىن
شلالەنин آخىشى لىن
ملول - ملول باخىشى لىن
سەندىن ھەمت او مان داغلار -
سنسىز لەيىب يامان، داغلار
آمان داغلار، آمان داغلار!

سۇن

ايچينده کى لور

٣٦	عائله طالعى	٣	مقدّمه يشىنه
٣٩	ايچينده	٥	وداع
٤١	چمندە	٦	بېرسۇرغۇم وار
٤٣	ايلك يارپاق	٧	ذرىه
٤٥	قوشلاردا سئویرلر	١١	گلېيم
٤٨	سالدى	١٣	نگران
٥٠	آقىش !	١٦	گل دئمه ...
٥٢	ياشا !	١٩	نىھىلەم !
٥٥	يېر بۇشلۇغۇ	٢٠	قالسىن
٥٧	اوزوم دانناق چكىر	٢١	اوغۇل دىتمەلى !
٦١	باڭلامىشام من	٢٤	محبّت دىل آچىب
٦٣	اورمىھلى - تېرىزلى	٢٧	سەۋىگى عالىي
٦٥	عۇمور نىتجە كەنچدى	٢٩	مرد اوغۇل
٦٧	آمان داغلار (منظومە)	٣١	درس آلدېييم اوستادلار
٩٦	فەھرەست	٣٣	گىلدى وئردى اورك منه

اشارە

بېرىنچى شعر دفترىم «شىح مونجۇغۇ» نون مقدّمه سىىنده ايکىنچى دفترىن «چىخىش يۈلۈ اچان داغچى» عنوانى ايلە نشر ائدىلە جە گىنە اشارە ائتمىشدىم . همان دفتر، سادەجە «آمان داغلار» عنوانى ايلە اوخوجولارا تقدىم اولۇندو .

سۇئىز

